

**Zabur 68:1(1,2) Keu teupimpén kor. Zabur Nabi Daud. (2) Jehovah geubeudôh
geujak peu crebre bubena musoh Gobnyan, ureuëng nyang banci Gobnyan
laju jiplueng dikeue Gobnyan.**

**Zabur 5:9,10(10,11) Sabab tutoe haba musoh ulôn hana jeuet teupeucaya;
Iam até awaknyan ka peunoh deungon reuncana jeuhet. Tutoe haba
awaknyan maméh bantumpo lom lumpah maméh, teuma Iam baten
awaknyan ka peunoh deungon nyang brôk. 10(11) Huköm kheueh
awaknyan, ya Jehovah, bah kheueh awaknyan binasa sabab reuncana
droejih keudroe. Neu use kheueh awaknyan sabab desya jih nyang ka
lumpah le, sabab awaknyan ka jibeurontak ubak Droeneueh.**

**Zabur 7:1,2(1-3) Nabi Daud geumoe ba-e, nyang geupeunyanyoe keu TUHAN
sabab lé Kus, ureuëng Benyamin nyan. (2) Ya TUHAN Jehovah ulôn, ulôn
meulindong ubak Droeneueh; neupeuseulamat dan neupeulheueh kheueh
ulôn nibak banmandum ureuëng nyang jitiyeub ulôn. 2(3) Bék neupeubiyeu
awaknyan lagée singa juah jiteugom ngon jitarek ulôn dan hana nyang
tulóng ulôn.**

**Zabur 11:6 Ureuëng jeuhet geuhuköm deungon mala peutaka, deungon apui,
beulerang dan angén nyang hase jipeuhangöh peue nyang na.**

**Zabur 18:2(3) TUHAN lagée kuta nyang kukoh teumpat ulôn meulindong.
Jehovah ulôn lagée gunong batée teumpat ulôn meupayong. Lagée
peurisai gobnyan geutôb ulôn, dan geujaga ulôn mangat aman hana gob
peukaru pajan mantong.**

**Zabur 18:14(15) Gobnyan laju geutimbak dumna aneuk-aneuk panah Geuh
dan geupeu crebre musoh; geusama kilat meu ulang-ulang, lé sabab nyan
sampie awaknyan jipeuplueng droe.**

**Zabur 18:17(18) Gobnyan geupeuseulamat ulôn nibak musoh nyang peukasa
dan nibak ureuëng-ureuëng nyang jibanci ulôn, sabab awaknyan lumpah
that teuga nibak ulôn.**

**Zabur 18:39(40) Neubri ubak lôn teunaga mangat hase lôn muprang, dan
beumeunang atueh musoh-musoh lôn.**

**Zabur 18:45(46) Beuhe awaknyan ka gadöh; awaknyan yo dan jiteubiet lam
kuta jih.**

Zabur 18:48(49) geupeuseulamat ulôn nibak lawan-lawan lôn. keujam.

**Zabur 23:3 Geubri keulôn teunaga nyang barô, dan geupapah ulôn ubak rot
nyang beuna, nyang sisuai deungon janji Gobnyan.**

**Zabur 27:11 Neutunyok kheueh bak ulôn keuheundak Droeneueh, ya TUHAN,
neubimbéng kheueh ulôn bak jalan nyang beuna, sabab musoh ulôn le
lumpah na.**

Zabur 31:15(16) Droeneueh sabé neupeulara ulôn; neupeuseulamat kheueh ulôn nibak musoh-musoh lôn, dan nibak ureuëng-ureuëng nyang jilet-let lôn.

Zabur 34:4(5) Ulôn meudoá ubak TUHAN, dan Gobnyan geujawueub, dan geupeuleuh ulôn nibak banmandum teumakot.

Zabur 34:7(8) Malaikat TUHAN geukawai ureuëng nyang taqwa, dan geupeubeubaih awaknyan nibak banmandum bahya.

Zabur 34:13(14) Bék tapeuteubiet tutoe haba nyang jeuhet, dan bék tagalak keu tipée muslihat.

Zabur 34:17-19(18-20) Meunyoe ureuëng saléeh nyang meuhôi, TUHAN geudeungoe, dan geupeuseulamat awaknyan nibak banmandum nyang salah. 18(19) TUHAN tô that ubak ureuëng nyang peu-ubit até; Gobnyan geupeuseulamat ureuëng nyang ka patah seumangat. 19(20) Lé that peundeuritaan ureuëng nyang jroh-jroh, teuma TUHAN geupeubeubaih awaknyan nibak banmandum nyan.

Zabur 35:1-9 Zabur Nabi Daud. (2) Neucok kheueh utar-utar dan peurisai Droeneueh, dan neubeudôh kheueh jak tulong ulôn. 2(3) Beuôt kheueh leumbeng dan kapak Droeneueh keu neulawan ureuëng nyang tiyeub ulôn. Neupeugah kheueh ubak ulôn bahwa Droeneueh nyang peuseulamat lôn. 3(4) Bah kheueh ureuëng nyang keuneuk poh maté lôn neupeutaloë dan neupeumalée. Bah kheueh ureuëng nyang meusapat dan mupakat jijak lawan lôn surot kheueh lam keuadaan bingong. 4(5) Bah kheueh awaknyan geupeulet lé malaikat TUHAN, lagée sikéum angén tampo. 5(6) Bah kheueh awaknyan jipeulet lé malaikat TUHAN nibak jalan nyang seupôt dan glue. 6(7) Teusia payah mantong awaknyan jiteun taron keu ulôn, atawa jikueh uruek keuneuk jijak droeb ulôn. 7(8) Bah kheueh awaknyan keunong binasa deungon hana jisangka-sangka. Bah kheueh awaknyan meucarueh lam taron jih keudroe laju reubah dan binasa. 8(9) Teuma ulôn meusurak-surak sabab lé TUHAN, até ulôn galak ngon geumbira kareuna Gobnyan geupeuseulamat ulôn.

Zabur 35:10(11) Saksi-saksi nyang jeuhet jibeudôh jijak lawan ulôn, dan jitudoh ulôn lôn peubuet hai-hai nyang hana lôn teupeue.

Zabur 36:7-9(8-10) Hana ék teukira gaséh Droeneueh, ya Jehovah Po manusia jimusöm dimiyueb sayeub Droeneueh. 8(9) Awaknyan puih deungon peunajoh nyang na meulimpah di Baét Droeneueh, dan deungon ié jieb nibak krueng Droeneueh sampoe puléh grah. 9(10) Droeneueh kheueh panghulée udeb mandum makhluk, lam trang Droeneueh kamoe kalon trang.

Zabur 37:5 Peujok kheueh udeb gata ubak TUHAN, meuharab kheueh ubak Gobnyan, Gobnyan pasti keutulong gata.

Zabur 37:23,24 TUHAN geubimbéng ureuëng nibak rot nyang harôh geulalu, Gobnyan geupeukong ureuëng nyang udeb jih teutab meukeunong bak até

Gobnyan. 24 Meunyoe rhot, ureuëng nyan hana that meubahya, sabab TUHAN geumat jaroe ureuëng nyan.

Zabur 37:40 Gobnyan geutulông dan geupeuseulamat awaknyan, dan geupeusie awaknyan nibak ureuëng-ureuëng jeuhet, sabab awaknyan jimeulindong ubak Gobnyan.

Zabur 39:1(1,2) Keu teupimpén kor. Zabur Nabi Daud. Keu Yedutun. (2) Ulôn pike, "Ulôn lôntem jaga droe mangat bék meudesya deungon lidah lôn. Ulôn hán lôntem peugah haba simantong ureuëng jeuhet mantong tō."

Zabur 41:4(5) Kheun ulôn, "Ulôn ka meudesya ubak Droeneueh, ya TUHAN, neugaséh kheueh ulôn dan neupeupuléh kheueh ulôn."

Zabur 42:5,11(6,12) Pakon até ulôn seudeh ngon geulisah? Ulôn meuharab ubak Po teu Jehovah. Teuma ulôn meusyuko lom ubak Gobnyan, ubak Jehovah lôn dan nyang peuseulamat ulôn. 11(12) Pakon até lôn seudeh dan geulisah? Ulôn meuharab ubak Po teu Jehovah. Teuma ulôn meusyuko lom ubak Gobnyan, ubak Jehovah lôn nyang ka geupeuseulamat ulôn.
(Zabur 43:5)

Zabur 43:1 Neubri kheueh keuadelan keu ulôn, ya Jehovah, neuprah kheueh hak ulôn ateueh bansa nyang doraka. Peubeubaïh kheueh ulôn nibak ureuëng jeuhet dan nyang teumipée.

Zabur 44:4(5) Droeneueh kheueh Raja ulôn dan Jehovah lôn, nyang bri meunang keu umat Droeneueh.

Zabur 51:4(6) Ubak Droeneueh, ubak Droeneueh mantong ulôn meudesya, dan ulôn peubuet peue nyang Droeneueh anggab jeuhet. Dan kapatot Droeneueh neuhuköm ulôn, ade that keuputosan Droeneueh.

Zabur 52:5(7) Teuma ingat kheueh gata geupeubinasa lé Po teu Jehovah keu siumu masa; gata geudrob dan geubahua nibak rumoh gata, dan laju geupeumaté lam donya ureuëng udeb.

Zabur 54:7(9) Droneueh ka neupeulheueh ulôn nibak mandum nyang susah, dan lôn ngieng musoh lôn ka teupeataloe.

Zabur 55:18(19) Gobnyan nyang peuseulamat ulôn nibak jiprang lé musoh, nyang teuka meukawan-kawan jiparan ulôn.

Zabur 59:2(3) Neupeulheuh kheueh ulôn nibak ureuëng nyang keuneuk peubuet jeuhet, neupeusie kheueh ulôn nibak ureuëng-ureuëng nyang keuneuk poh maté lôn.

Zabur 60:12(14) Meusajan Jehovah, geutanyoe gagah peukasa, Gobnyan kheueh nyang peataloe bubena musoh geutanyoe.

Zabur 63:11(12) Raja geumbira sabab peutulongan lé Po teu Jehovah; ureuëng nyang meubudok deumi Po teu Jehovah jimeusukaria, teuma babah ureuëng meusulet geusumpai.

Zabur 66:3 Tapeugah kheueh ubak Po teu Jehovah, "Keubit lumpah that kagom buet Droeneueh! Musoh jitundok ubak Droeneueh peunoh deungon teumakot, sabab kuasa Droeneueh nyang lumpah raya.

Zabur 68:6(7) Meunan cit Jehovah geubri teumpat tinggai keu ureuëng-ureuëng nyang udeb jih seudeh; Gobnyan geupeubeubaih ureuëng nyang teuteuen lam peunjara sampoe awaknyan bahgia. Teuma keu ureuëng nyang jilawan TUHAN harôh jiduek nibak tanoh nyang hana hase udeb sapeue.

Zabur 68:35(36) Keubit that takjob Jehovah geutanyoe watée Gobnyan geuteubiet di teumpat tinggai Geuh. Jehovah Israel geubri kuasa dan teunaga ubak umat Gobnyan.

Zabur 70:1(1,2) Keu teupimpén kor. Nibak Nabi Daud, bak watée teupeuseumah keureubeuen peuingat. (2) Ya Jehovah, peuseulamat kheueh ulôn, TUHAN, bubagaih kheueh neujak tulông lôn!

Zabur 71:4 Ya Jehovah lôn, neupeuseuliseh kheueh ulôn nibak mara banya, nibak kuasa ureuëng-ureuëng jeuhet nyang lalem dan keujam.

Zabur 71:13 Bah kheueh ureuëng nyang prang ulôn neupeumalée dan neusampôh nibak muka bumoe. Meunan cit bah kheueh ureuëng nyang keuneuk peuceulaka ulôn jiteuka bingong dan bansaboh tuboh jih keunong hina.

Zabur 72:12 Sabab gobnyan geupeuleupah ureuëng nyang leumoh teutindéeh hana meudaya, dan ureuëng gasien nyang jimeuhôi ngon meulakée ubak gobnyan.

Zabur 76:12 Peutrok kheueh janji gata ubak TUHAN Jehovah gata, bah kheueh banmandum bansa nyang na tinggai rab jiba peuseumahan keu Po teu Jehovah nyang jitakot.

Zabur 79:9 Tulông kheueh kamoe ya Jehovah, nyang peuseulamat kamoe, neupeu amphon kheueh desya-desya kamoe dan neupeubeubaih kheueh kamoe deumi keuhoreumatan Droeneueh keudroe.

Zabur 86:17 Neubri kheueh ubak ulôn tanda jroh Droeneueh, ya TUHAN, mangat ureuëng nyang benci keu ulôn neupeumalée, meunyoe awaknyan ngieng Droeneueh neutulông dan neuhibô ulôn.

Zabur 91:14,15 Feureuman TUHAN, "Ureuëng nyang jicinta ubak Ulôn Lôn peuseulamat, nyang jiaku Ulôn Lôn peulindong. 15 Meunyoe ureuëng nyang jimeulakée ubak Ulôn, peue nyang jilakée nyan Ulôn bri. Óh watée jihnyan meukarat ka meusak, Ulôn tulông jihnyan; jihnyan Lôn sangga nibak banya dan Ulôn bri keuhoreumatan.

Zabur 92:11(12) Deuh ulôn ngieng musoh-musoh ulôn nyang taloe, ureuëng-ureuëng nyang ka jibeudôh jilawan ulôn, reuncana-reuncana jeuhet awaknyan ka lheueh ulôn deungoe.

Zabur 103:10 Gobnyan hana geuhuköm geutanyoe nyang sisuai deungon desya geutanyoe, atawa geubalaih geutanyoe nyang sipadan deungon salah tanyoe.

Zabur 104:9 Droeneueh nyang peuteuntée bataih-bataih nyang hánjeuet jilalu lé ié nyan, mangat ié nyan bék jigisa meugeunang di ateueh bumoe.

- Zabur 107:6 Dalam keusosahan nyan awaknyan jimeulakée ubak TUHAN, dan TUHAN pi laju geupeubeubaih awaknyan lam keuadaan meurana.**
- Zabur 118:10,12 Jai that musoh di keulileng ulôn; deungon kuasa TUHAN, awaknyan habéh mandum ulôn peutaloe. 12 Lagée unou awaknyan jiparan sikeulileng ulôn; deungon kuasa TUHAN, awaknyan habéh ulôn peutaloe. Lam sikleb siklab awaknyan habéh teupeulon lagée apui hu nyang teungoh teutot tamah meuduro.**
- Zabur 121:7,8 TUHAN geulindong gata nibak mara banya, Gobnyan geukeumiet gata mangat udeb gata seulamat. 8 Gobnyan geulindong gata watée gata teuka dan tajak, phon saát nyoe dan siumu masa.**
- Zabur 138:3 Watée ulôn teumawök Droeneueh, laju neujaweueb, peukong kheueh até lôn mangat lôn jeuet keu ureuëng nyang beurani.**
- Zabur 140:1(1,2) Keu teupimpén kor. Zabur Nabi Daud. (2) Neupeulheueh kheueh ulôn nibak ureuëng jeuhet, ya TUHAN, neujaga kheueh ulôn nibak ureuëng nyang jipeubuet buet jeuhet ateueh ulôn.**
- Zabur 140:4,5(5,6) Ya TUHAN, neulindong kheueh ulôn nibak kuasa ureuëng jeuhet, neujaga kheueh ulôn nibak ureuëng nyang jikeuneuk peubuet buet nyang jeuhet dan keuneuk jipeu rhot ulôn. 6 Ureuëng nyang cungkak deungon cara seungab-seungab ka jipasang taron jikeuneuk carueh ulôn, dan jireuntang jareng keuneuk drob ulôn. Ban sipanyang jalan awaknyan ka jiteun jeansieb guna keuneuk jijeubak ulôn.**
- Zabur 142:6(7) Neudeungoe kheueh nyang ulôn lakée nyoe, ya TUHAN, sabab ulôn lumpah that seungsara. Neupeuseulamat kheueh ulôn nibak musoh-musoh lôn, sabab awaknyan lumpah that teuga nibak ulôn.**
- Zabur 143:9 Ulôn teuka keuneuk jak meulindong ubak Droeneueh, ya TUHAN, neupeulheueh kheueh ulôn nibak musoh-musoh lôn.**
- Zabur 147:14 Gobnyan nyang jaga daerah gata jeuet teutab aman, dan nyang peutroe gata deungon boh gandom nyang paleng gét.**
- Zabur 149:6-9 Bah kheueh awaknyan jipujoe Po teu Jehovah deungon su nyang meutaga, sira jimat peudeueng nyang ka teu asah 7 keu geubalaih bansa-bansa, dan geuhuköm sukée-sukée bansa; 8 keu geubeuleunggu raja-raja, dan geuböh ranté ubak bubena peunguasa awaknyan; 9 keu teuhuköm bansa-bansa ateueh peurintah Jehovah. Nyan kheueh keumeunangan umat nyang geugaséh.**